


急收料三



沈蘧夫先生鑒定

四種須知

急救
修養

格物
飲食

還讀齋藏板

序

古云不得爲良相則爲良醫夫醫與相位分雖殊而其濟人利物之功則同耳雖然醫者意也神而明之

存乎其人自非博學多聞
格物窮理之微者不能臻
夫精妙也余承乏南越奉
養吾母於官舍炎方風候
旣殊而吾母又常苦臂痛

徧求醫藥未得霍然余每
早夜切祝曰安得遇緩和

其人者俾吾毋康且健乎

癸亥歲朱子凝陽自江左
來粵余初未之聞也旣聞

之復阻于人言未之深信
也去冬來端州余始與之
接叩其中誠所謂博學多
聞格物窮理之微者而于
農軒一道尤得其精妙廼

延視吾母初診之曰未可
輕言病源也再診之曰吾
得之矣此氣鬱血虛症醫
者誤以風治耳遂以舒補
之劑進而吾母卽獲稍安

時余有入賀之役再拜
以情告畱其在端調理而
朱子毅然任之無難色余
汲汲往返三閱月而事竣
旣歸署見吾母顏色沃如

精神倍健矣此又朱子之
意氣過人者于是越中士
大夫爭相延致而朱子所
投輒效因自笑曰吾非醫
也苟於人有濟卽目爲扁

鵲倉公何不可者乃出其
生平所輯奇方示余欲鏤
版傳播俾夫遐陬僻壤卒
有陰陽之患者不至求藥
如金而望醫如帝朱子之

用心可謂至矣。然服藥求
效，祇取濟于一時，而却病
延年，務講求諸平日。蓋嗜
欲不節，非以衛生；神爲形
役，非以養性。七情六欲動

爲牽制非以達觀復於急
救之外輯飲食修養格物
三種其仰稽天候俯察地
脈悟生理之自然識物性
之萬變悉於是書備之噫

朱子以濟人利物之心寓之于醫而行之以正其功詎謂出良相下哉以語朱子其必以余爲知言也夫

關中韓作棟題



急救須知序

上古聖人吉凶與民同患而醫道以興。狀黃岐之書多言鍼法。自漢仲景氏始製方療疾。厥後而名醫輩出。後先接踵。雖其人未必皆以同患爲心。而精專一藝。窮幽達渺。要亦聖賢之流也。狀其爲書。可以汗牛。其爲藥。不燕珍異。擔夫販婦。一旦感三邪。傷六氣。方將衣食之不充。又安

能自達于名醫之門。而力致夫可貴之劑。唯呼
天搶地。終于轉死溝壑而已矣。凝陽朱子起而
憂之。乃撿古今方書。與耳聞目見。實實可治療
人之疾。而不費彼財者。謂之急救。輯成一編。以
告天下。而尚恐捨夫販婦之流。目不識字。雖有
此書。同于不見。所望同志君子。廣爲傳說。而撿
揚之。使一傳十。十傳百。更推廣良方。而附之以

行其有利於人豈淺鮮哉疑陽幼負異姿長通
玄學與予爲同道交而此書特其一種亦稍通
醫理而不敢以之名家狀其心實同患之心也
予故喜而爲數言以弁首

康熙十五年一陽月同學平園周陳俶題

